

# Боодгуд тосхгдв

Сарпинск района «Сарпинский» совхоз 36.000 хөөтэ, 2 миньгын бод малга. Эн малд өгх усн йир икэр керглгдджасмн. Хөд болн бод малиг зунин идгүр гаргъх цагт эднд өгх усиг машигъяр зөөдж авч ирдг бääсмн. Тегэд иим олн малиг зөөврин усар теткнэ гидг күнд, йир джаньгърта көдлмш болдг билэ, тер дотр усиг машигъяр зөөдж, малиг усар теткльгнэ көдлмшин мөнъгнэ гарунь ик болдг билэ.

Тиим учр деерас, совхозин гардачнр болн партийн организац, 1958 джил гүн саласиг болн хагсу голмудиг боодж, ус тогтадж авхмн гидж шиидяхав. Тер шиидврэн күцадж, совхозд бääх цуг техникиг саянар олзлдж, кесг боодгуд тосхгдв. Ода хойр ик боодг, 7 бичкн боодгуд тосхсн бääнэ.

Эн боодгуд тосхльгнэ көдлмшт 18 миньгын арслнь гаргъгдв. Омнь болхла, малиг

зөөдж авч ирсн усар теткхлэ кесг арвн миньгын арслнь гаругардг бääсмн. Ода совхоз тиим гаругаргъджахш. Цуг малмуднь цевр болн амтахн усар эльгяр теткгднэ.

Боодгуд тосхльгнэ көдлмшт йовсн трактористнр Панасенко, Вершакин, Ярцев, Губанов болн нань чигн механизатормуд болн көдлмшчнр күчнчидлэн нөл уга көдлснэ ашнь сэн болдж гарв. Ода боосн боодгин усн 82 километр газрт мелмадж цаянэ. Зарм боодгудт гүүндэн 6 метр усн баянэ.

Олна малд ус өгснд хөөчнр болн малчнр ик байрта баячханэ. Ода малин идг сэн, тер дотр малиг усар тетксн учрар, малас гардг шим-шүүс икдүлдж болджана.—гидж хөөчнр болн малчнр ицджанэ.

**Хөөчнр М. МАНДЖИЕВ,  
Н. СЕТОВ,  
П. АКСЮК.**